

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 45. i 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), na prijedlog Kantonalne uprave civilne zaštite, Vlada Zeničko-dobojskog kantona, na 17. sjednici, održanoj dana 16.02.2024. godine, donosi

ODLUKU
o usvajanju Programa utroška budžetskih sredstava za prevenciju
klizišta, putne komunikacije i riječnih korita
Budžeta Zeničko-dobojskog kantona za 2024. godinu

Član 1.

(Predmet)

(1) Usvaja se Program utroška budžetskih sredstava za osiguranje preventivnih radnji na prevenciji klizišta, putne komunikacije i prevenciji riječnih korita.

(2) Utrošak sredstava vršit će se iz Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615 100, pozicija „Kapitalni transferi drugim nivoima vlasti“ u ukupnom godišnjem iznosu od 200.000,00 KM i čini sastavni dio ove odluke.

Član 2.

(Način realizacije sredstava)

Sredstva planirana ovim programom realizovat će se u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija.

Član 3.

(Realizacija Odluke)

Za realizaciju ove odluke zadužuju se Kantonalna uprava civilne zaštite i Ministarstvo finansija, svako u okviru svoje nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Broj: 02-11-3101/24

Datum, 16.02.2024. godine

Z e n i c a

Nezir Pivić

DOSTAVLJENO:

1x Kantonalna uprava civilne zaštite,

1x Ministarstvo finansija,

1x “Službene novine Zeničko-dobojskog kantona”,

1x a/a.

PROGRAM
utroška budžetskih sredstava za prevenciju klizišta, putne komunikacije i riječnih korita
Budžeta Zeničko-dobojskog kantona za 2024. godinu

Član 1.

Svrha programa jeste da se odobrena sredstva iz Budžeta Zeničko-dobojskog kantona za 2024. godinu ("Službene novine Zeničko – dobojskog kantona", broj 21/23), sa razdjela 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615 100, pozicija „Kapitalni transferi drugim nivoima vlasti“ u ukupnom godišnjem iznosu od 200.000,00 KM, iskoriste za prevenciju klizišta, putne komunikacije i riječnih korita.

Član 2.

Visina sredstava utvrđenih ovim Programom iznosi 200.000,00 KM (slovima: dvijestotinehiljada konvertibilnih maraka).

Član 3.

Izvor sredstava: Budžeta Zeničko-dobojskog kantona za 2024. godinu ("Službene novine Zeničko-dobojskog kantona", broj 21/23), razdjel 14 - Kantonalna uprava civilne zaštite, budžetska organizacija 01, potrošačka jedinica 0001, ekonomski kod 615 100, pozicija „Kapitalni transferi drugim nivoima vlasti“.

Član 4.

Kriteriji utroška sredstava: Da je klizište registrirano u službi civilne zaštite grada/općine, da je putna komunikacija uz registrirano klizište, te da rijeka/potok u kojoj se planira izvršiti prevencija nanosi štetu svojim izlivanjem iz korita.

Član 5.

Kategorija korisnika sredstava: Lokalna zajednica (općina, grad, MZ).

Član 6.

Ukupno planirana sredstva u koloni Budžeta, Izdaci iz budžeta - Izvor 10, na poziciji budžeta "Kapitalni transferi drugim nivoima vlasti" i "Rekonstrukcija i investiciono održavanje", realizovaće se dijelom iz budžetskih sredstava i dijelom iz sredstava primljenih tekućih transfera Vlade Federacije BiH (potpore iz Budžeta Federacije BiH), u skladu sa Odlukom koju će donijeti Vlada Zeničko-dobojskog kantona o visini i namjeni utroška sredstava.

Član 7.

Sredstva za provođenje preventivnih mjera će biti utrošena za projekte za koje se ukaže potreba u tekućoj godini, a koje odobri Vlada Zeničko – dobojskog kantona.

Član 8.

O utrošku sredstava po ovom programu, Kantonalna uprava civilne zaštite dužna je polugodišnje izvještavati Vladu Zeničko-dobojskog kantona.

Član 9.

Za realizaciju sredstava po ovom Programu zadužuje se Kantonalna uprava civilne zaštite i Ministarstvo finansija, svako u okviru svojih nadležnosti.

Broj: 02-_____/24

Datum, 16.02.2024. godine

Z e n i c a

PREMIJER

Nezir Pivić

DOSTAVLJENO:

1x Kantonalna uprava civilne zaštite,

1x Ministarstvo finansija,

1x “Službene novine Zeničko-dobojskog kantona”,

1x a/a.